

CENA lista: U pretplati za čitavu god. K 48.—, za polugodište K 24.—, tromesečno K 12.—, mesečno K 4.—, u maloprodaji 16 hil. pojedini broj. OGLASI primaju se u upravi lista, trg. Cuztoza 1. Tisak Jos. Krmpotića.

Godina IV.

U Puli, subota 26. oktobra 1918.

Broj 1184.

## Sačuvajmo hladnu krv!

Narodno veće u Zagrebu je 23. oktobra raspravljalo o zadnjim događajima u Hrvatskoj, osobito o činjenici, da je prigodom manifestacija u prolavu Wilsonovih načela, da se urede narodnosne priške, došlo do napadaja na željezničke stanišne i druge prometne uređaje. Narodno je veće, uvažavajući sve ove događaje te prosudjujući ih sa gledišta opće narodne koristi, zaključilo izdati sledeći

### Poziv naroda SHS.

Narodno veće misli, da bistri razum i staro poštovanje našega naroda nalagaju, da se takvi slučajevi ne događaju više i da se ne žiri, budući bi time prestao svaki promet i najsiromašniji bi krajevi naše domovine ostali s tege bez kruha.

Narodno veće pozivlje sve pristaje strana, političkih i parlamentarnih skupina, neka se po svim gradovima, mestima i selima udruže u odbore Narodnoga veća.

U takove odbore mogu stupiti takodjer osobe, koje ne pripadaju nikakvoj političkoj stranci, ali koje su u duži za ujedinjenje i oslobodjenje naroda na temelju proglašenja Narodnoga veća od 19. oktobra 1918. Takvi odbori preuzimaju svojim sastavom veliku zadacu za sav narod. Prva je zadaca svakoga takvog odbora, da se pobrine za obranu i imovinu sviju državljana države SHS bez razlike. Druga je zadaca, da javi Narodnom Veću u Zagrebu sve događaje u svojim krajevima i potrebe svojih gradova, mesta i sela te čitavog naroda. Treća je zadaca, da točno vrše sve naloge Narodnog veća u korist naroda.

Za to se svim krajevima mogu izabrati najiskusnije i najpoverljivije osobe u odbor Narodnoga veća, koji mora da bude sastavljen od predesdnika, voditelja za narodnu obranu i od poslovođe.

Svi se odbori moraju prijaviti Narodnom veću u Zagrebu, da budu odobreni. Sve objave neka se šalju Narodnom veću na naslov:

Narodno veće u Zagrebu, sabor.

Braća Slovenci, Hrvati i Srbi, na posao!

Vreme leti. Za nekoliko dana moraju odbori biti sastavljeni. U svakom našem mestu mora da bude takav odbor Narodnoga veća, koji se ima pobrinuti za to, neka se čim pre ustanove čete za narodnu obranu.

Zagreb, 23. oktobra 1918.

Za Narodno veće SHS.:

Dr. Anton Korožec, predsjednik,  
dr. Ante Pavlič, Svatozar Prilčević  
podpredsednici.

Proglaš našeg Narodnog veća ozbiljna je opomena na mir i na rad. Sa manifestacijama i iskazima ne postizava se ništa. Truje se narodno organizacija čitavoga naroda, da u trenutku potrebe bude moguće preuzeti vlast u svoje ruke i voditi naš narod i naše pokrajine iz jednog reda u drugi bez trvenja i poteškoća. Da se to postigne, valja da zavlada u našim narodnim redovima najstroža i najbezobzirnija stega, i da svaki čovek bude na svom mestu. Sada nije doba za pasivizam i za mirno čekanje na događaje, što no će nadoći. Bas protivno je potrebno: valja tim događajima pripraviti tlo, da nas ne preneraze i nas i naš narod kao golem talas otplave.

Sledeći pozivu naše vrhovne oblasti valja da stvorimo za našu Istru, a napose za naš politički kotar posebne odbore sa središnjim odborom u Puli. Pula, ugrožena ova i skrajna točka naše Jugoslavije, treba organizacije više no svi ostali delovi naše domovine. Ovim će se odborima morat da pokoravaju u određeno vreme svi naši ljudi, svi Jugoslaveni, kojima na srcu leži dobrobit i budućnost našega naroda. Prekršaj protiv narodnoj stezli je zločin protiv narodu.

Naš narod mora da u odlučnim trenucima sačuva hladnu krv, da se suspregne, da znađe vladati svojim čustvima i osećajima. Učini li u tom pogledu svaki svoju dužnost, biće nama laka stvar, prebroditi sve poteškoće, koje su na putu iz starog sveta u novi, iz noći u dan. Nijedan, koji nije izričito na to ovlašten od Narodnog veća i od njegovih odbora i podobora ne sme poduzeti na svoju ruku kojigod korak.

Glavna je stvar, da se pokoravamo zapovedima, koje nam daje središnja naša vlada u Zagrebu, da joj ne oteščamo ili dapače onemogućimo rad u narodnu korist, za našu budućnost.

Proglaš našega Narodnoga veća vredni i za naš puljski kotar i za naš narod, koji živi u na-

sim zemljama. Neka se svako po njemu i vlada i neka čovek pripazi na čoveka, da se tom proglašenju pokorava i da vrši u tim teškim momentima svoju dužnost. Svi ljudi, bilo u kojem položaju, uredu i zavodu, moraju biti spremni, da u trenutku potrebe budu na svojim mestima, da uzmognemo u kritičkom času svladati zapreke i onemogućiti zastoj javnog života i delovanja, što bi bilo katastrofa za čitavi naš narod.

## RATNI IZVEŠTAJI:

### Austro-ugarski.

Beč, 25. (D. u.). Službeno se saopćuje: Talijansko bojište: Mirovna ponuda središnjih vlasti nije prešla naše neprijatelje na jugozapadu u tome, da napre našim i svojim vojskama nove krvave žrtve. Veoma žestokom topničkom paljbom započela je preključer između klanca Asa i Jadrana navala, koja je jučer ujutro na mletačkoj gorskoj fronti i u predelu južno od Montella provallia. U običnoj hrabrosti, vernoosti i zaptu auzbile su naše čete nasrtaj. — Na visoravni Sedam Općina bilo je područje jugozapadno od Aslaga, Monte Sisemola i predeo Monte di Valbella pozorlište ogorčenih bojeva. Neprijatelju je pošlo za rukom da mestimično provall u naše jarke, no bio je opet svuda izbačen i morao je u noći i najdnije držati Sisemol isprazni. Seklani pešačke pukovnije br. 82 i 131 i honvedska pukovnije br. 9 i 30 imaju na tom uspehu glavni udeo. Do jake večer žestine uspeo se hirvanje u pogorju severoistočno od Brenite. I tu je uzmogao neprijatelj da prelazno polučni mesni uspeh. Utvrdio se na Caprile, Asolone, Monte Pertica i Solarolo u našim prednim jarcima, za kratko vreme, ni morao se veoma brzo odaljati ispred navala naših junaka, provedenih starom strolovlakošću. Pot put nasrtali su Talijani protiv Spinozzi uzalud. Pukovnja pešadije br. 9 (Stryl), koja je u delatnim protunastajima opet osvojila Asolone, pukovnja pešadije br. 73 (Heb), br. 99 (Znojmo), mlada južnougarska pukovnja br. 129, koja je branila Spinozzu, streljačke pukovnije br. 9 (Brno) i 24 (Beč) okitile se slavom. Naše junačko topništvo pokazalo se valjanim zapadno i istočno od Brenite kao uvek, kao pomagač u bojovima pešadije. Nasrtaj engleske divizije na otek Plave Pappadopol uzmogao je samo da na severnom krilu potisne naše prednje straže. Južni deo otoka bio je potpunoma održan. — Balkansko bojište: U severnoj Albaniji daljnji bojevi zalaznica i buncu. U nepovratnom središtu stigli su antantni odeli, pojačani uridolaženjem banda, do Nove Varoš. Južno od Kragujevca, na obim stranama Morave i u Zlatovoj planini odbile su austro-ugarske i nemačke čete uspešno neprijateljske bataljone, koji su pritiskali. — Poglavica generalnog stožera.

### Nemački.

Berlin, 25. (D. u.). Iz velikog se glavnog stana službeno javlja: Zapadno bojište: Vojna skupina naslednika prestolja Rupprechta: U Flandriji traju bojevi u nizini Lysa. Neprijatelj, koji je prodro u jugoistočnom delu Deinze, bio je u protunastaju opet bačen. Jugoistočno od Deinze zauzeli smo opet delov. od Francuza preko Lysa porinutog mostobrana. Istočno od Vilve i Saint-Eloy auzbili smo jači napadaj između Lysa i Schelde i na Scheldi tri nasrtaja protivnikova. Nastavlja se od protivnika rušenje mesta u nizini Schelde. I unutrašnjost Tournaya bila je pod engleskom paljbom. Iseljivanje pučanstva iz tog područja prema istoku raste. Istočno od Solesmesa i Le Cateau nastavio je Englez svoje napadaje i protegnuo ih na sever sve do Schelde. Južno od Schelde izjalovili su se pred našim crtama i na uzvisinama istočno od Ecaltobacha. Napadaji, upravljani protiv Le Quesnoy, prošli su sve do pruge severozapadno i zapadno od Le Quesnoy. Pokušaji neprijateljevi, do zapadno mimo od Le Quesnoy a severnom pravcu provale, izjalovili su se u nastupu naših četa, postavljenih iz Sepmerisa i Villerspoila. Neprijatelj, koji je nasrtao na širokoj fronti protiv šumi Morval uzmogao stupiti na Bois du Nord i Fontaine-aux-bois. U ostalom bilo je zapadno od Englefontaine-Landrecies nakon žestokih bojeva zaustavljen. Jučerašnji bojevi doneli su neprijatelju u sve dobitek na prostoru od 800 do 1000 m dubljine. Vedih uspeha nije imao ni jučer, usprkos svom izvanrednom uložanju sila. — Vojna skupina nemačkog naslednika prestolja: Na Oisi, između Oise i Serre i zapadno od Aisne časovit topnički boj. Gde je neprijatelj prodro u naše crte, bacili smo ga u protunastaju opet natrag. U odsecima na obim stranama Vouzieraa popustila je bojna delatnost. Uzvisine istočno od Chestreaa bile su održane protiv novim žestokim napadajima neprijateljevih od bavarških i vitemberških posada. — Vojna skupina pl. Gallwitzova: Pojedinački napadaji Amerikanaca na obim obalama Moze bili su suzbijeni. — Jugoistočno bojište. Neprijateljski napadaji na obim stranama Morave. Zapadno od reke potisnuli su nas južno od Kragujevca ponešto natrag. Istočno od reke u predelu Paračina bili su suzbijeni. — Ludendorff.

\* Austro-ugarski odgovor Wilsonu. Iz Beča se javlja 24. oktobra: austro-ugarska vlada u najvećoj je neprilici, kako da odgovori Wilsonu. Odgovor sada nije još sastavljen. Sinoć je Burian savvao austrijske delegate na tajni sastanak, da dobije pregled javnoga mnjenja. Doživeo je veliko razočaranje. Delegat Stransky izjavio je u imenu jugoslavena i Čeha, da se naši i češki delegati ne upuštaju u meritornu raspravu. Burian nema više prava odgovarati Wilsonu. Na krunskom veću u Budimpešti pasti će odluka o odgovoru Wilsonu. Medjutim su se na Reci odigrali događaji, koji će razvoj stvari pospešiti. U vladinim krugovima vlada potpuna bezglavost.

\* Pred novim velikim događajima. U bečkim se političkim krugovima tvrdi, da je u najbližim danima računati s novim, nu ne više neočekivanim događajem. I položaj je Turke potpunoma neodrživ te treba novih odluka.

\* Pred ispražnjenjem Srbije i Crne Gore. „Deli Hirlap“ javlja: Glede na opći vojni položaj i na mirovne pripreve najbrže da čemo u par dana isprazniti Srbiju i Crau Goru. U savezu s tim postavimo svoju novu južnu frontu medju Dunavom i Drinom.

\* Zastupnici češkoslovačkog naroda na putu u inozemstvo. Praga, 21. oktobra 1918. Naš praški dopisnik nam javlja: Osim zastupnika Staneka, Habermana i Klofača dobili su danas putnice za inozemstvo daljni zastupnici češkoslovačkog naroda, i to: dr. Šamal, ravnatelj Zivnostenske banke dr. Preiss i ravnatelj agrarne banke Svoboda. Odlaže sutra u 10 sati pre podne.

\* **Mir na proleće.** „Secolo“ javlja, da je Sonino proglasio njegovom izveštitelju, da se nada, da će se mir sklopiti do proleća. Među Nemačkom i Amerikom postići će se uspeh, budu li Wilsonovi uveti prihvaćeni bez pridržka.

\* **Zadnja zapoved vojsci** — pozdrav na rastanku. Fabius veli u „Neue freie Presse“ o carskoj zapovedi vojsci i mornarici: O nekakvoj budućoj zajednici ne može biti ni govora. Carska zapoved može se smatrati za pozdrav na rastanku sa starom austrijskom armadom.

\* **Priprava za demobilizaciju.** Iz Beča javljaju: Najpre će biti prigodom demobilizacije otpuštena iz vojništva starija godišta. U interesu brze obnove ekonomskog života biće otpuštene, čim izadje naredba o demobilizaciji, razne osobe, koje su posebno kvalifikovane, čije će prisustvo biti osobito potrebno. Ove će izabrati komisija radnika i poduzetnika. Broj osoba, koje će se otpustiti u tu svrhu biće tesno ograničen, kako se ne bi zakasnilo s povratkom ratnika. I deo učitelja i profesora te učenika i djaka viših zavoda, biće otpušten pre vremena.

\* **Liebknecht oslobođen.** Iz Berlina se saopćuje, dne 23. oktobra: Posredovanjem državnog tajnika Scheidemanna, bio je danas oslobođen zastupnik nezavisnih socijalista u nemačkom rajstagu dr. Karlo Liebknecht, nakon dvogodišnje tamnice. Liebknecht je već u Berlinu.

\* **Štajerski paša grof Clary uklanja se udarima vremena.** Iz Graca se javlja, 25. oktobra: Vest se o odstupu namesnika Štajerske grofa Claryja-Alarिंगena potvrđuje. Odstup će uslediti obzirom na političke događaje već narednih dana. — Kad će i današnji istarski providuri povući posledice političkih događaja?

\* **Jugoslavija ima živca za sobu.** Iz Zagreba se javlja: Hrvatska je vlada odlučila, da ne će pomagati samo Dalmaciji i Istri, već i drugim jugoslavenskim pokrajinama, kojima preti glad, osobito slovenskom stanovništvu u Goričkoj, kamo je namenjeno 150 vagona kumpira.

\* **Raspoloženje u Engleskoj.** „Times“ pišu komentar k govoru nemačkog državnog kancelara i javljaju: Ne će li Nemci da prihvate pravednog mira bez sile, biće prisiljeni silom da prihvate pravedan mir. Razlika između nemačke sile i sile bez granica, koju predlaže Wilson na uporbu, bude li potrebno, sastoji se u tome da sila saveznika stoji u službi pravednosti. — „Daily News“ veli: Razjašnjenje princa Maksa i promena na vladi u Nemačkoj ne daje zaključivati, da postoji odlučna volja, učiniti oštar pokus, koji faktično ima vlast u Nemačkoj. — „Daily Chronicle“ izjavlja: Govor prinčev ne donosi nam ništa dalje. Govori o miru pravednosti. Zar ne traži pravednost od Nemačke odštete? Mi se radujemo, da je Balfour podao izričitu izjavu o pitanju kolonija; faktična odluka o kolonijama stvar je mirovne konferencije.

**Iz austrijske zastupničke kuće.**

Beč, 25. (D. u.) Talijanski zastupnik dr. Grandi upravlja na ministra predsednika upit glede povratka i oslobodjenja konfinovanih i internovanih Talijana. Odgovarajući na upit veli ministar unutrašnjih posala, da se usled nenadanih ratnih potreba nije moglo nešto iza fronte pustiti ljude sumnjivog mišljenja. Dr. Conci podaje u ime talijanskog narodnog zastupstva jučer ustrojenog (fascio nazionale) izjavu, prema kojoj smatraju članovi prema Wilsonovim načelima, koje su središnje vlasti prihvatile, sva talijanska područja, kao slobodna i nezavisna od državne vlasti austro-ugarske monarhije. Grof Barbo obraća se proti tomu, da se nemačku okrivljuje radi tlačenja narodnosti, te zahteva za Nemački jezikovni otko Koločevje pravo, da se priključi državi svog naroda.

Pitanje Trsta i talijanskog dela Istre. Zast. Pittoni govori, da trščanski socijalni demokrate zahtevaju za Trst i za pretežno talijansko područje Istre pravo samoodredjenja. Narod mora odlučiti, ima li se priključiti Italiji ili tvoriti samostalnu republiku. Trst ima ostati nezavisan pod zaštitom saveza naroda i ima se ujediniti s pretežno talijanskim područjem Istre i Furlanije.

**Iz slavenskog sveta.**

Iz češkog političkog života. Primiti smo prvi broj praških „Narodnih Listy“. Prvi broj nakon petmesečne prisilne stanke. List je proleće suhotu izašao kao večernje izdanje, te javlja da izlazi na isposudjenom papiru, i ne zna, kad će sledeći broj izaći, jer list od bečke centrale nije dobio nikakva papira. Na uvodnom mestu veli: „Znamo, da budućnost ne će biti laka. Bila bi kobna pogreska, biti si nesvestan i ne reći, da nas čekaju još mnogi grebeni, te da će trebati krajne savestnosti onih, koji su i koji će biti na kormilu, da predusretnu ozbiljne katastrofe. Ali vera, koja nas je u najtežim trenucima podizala, postala je sigurnošću, da nipošto tuđa sila, već samo i jedino vlastite pogreske mogle bi biti opasnim potpunom

pobedi naše pravedne narodne stvari i demokracije. Svesni si toga, učinimo, što bude na nama, da se očuvamo od pogrešaka, da i druge na vreme opomenemo pred pogreškama. Hoćemo si biti potpuno svesni odgovornosti i u drugih, pobudjivati tu svest. Bićemo samo i jedino vojnici velikih ideja narodnih i čovečanskih, nepokolebivi borci proti teroru, bilo odakle on dolazio, budni stražari pred zavadjanjima, ma kojigod pretio njima svetoj stvari. Neka živi slobodna, demokratska Češkoslovačka!“ — Uopće se Češi pokazuju dostojnima velikog vremena i vrednima slobode. Oni ne galame. Čekaju, razumeju se dobro, znadu i sigurni su, što će doći, ne uzrujavaju se. Pragom često prolaze satnije s nataknutim bodovima. Pražani im se smeju. Disciplina je naroda i političkih stranaka i pojedinaca divna. Oni bez buke i vike slave svoju pobjedu nad propašću onih, koji su ih trli.

**Domaće vesti.**

**Aprovizacija nam obolela.** Aprovizacijona komisija javlja: Radi bolesti svih nameštenika prodavaone aprov. komisije br. 3. (Ulica L a c e a) ostaje ova do daljnjih obavesti zadržavana.

**Služba Božija za pravoslavne.** U nedelju, dne 27. o. m. biće sv. Liturgija pre podne ju 9 sati u crkvi sv. o. Nikolaja u Puli.

**Razredna lutrija.** Sledeći brojevi kod poslovnice Jos. Krmpotić kupljenih srećaka 5. razreda 10. razredne lutrije bili su izvučeni: 35.923; 100.049; 100.074; 115.387; 115.397; 115.399; 127.657; 127.659; 127.661; 127.670; 133.827; 133.828; 133.847; 133.848; 133.849; 133.850. U interesu samih igrača jest da dignu dobitak čim prije.

**Narodno gospodarstvo.**

**Poduzeća za vođenje kina i industriju filmove u Hrvatskoj.** U Zagrebu postoje dva takova dionička društva: „Urania“ i „Helios“. Sada su se odlučila oba društva sjediniti u jedno i povisiti ujedno dionički kapital. Kapital je kod tih društava domaći, jugoslavenski. O kinima ne vlada baš najbolje mišljenje. S pravom se prigovara, da se veoma malo dobrih i korisnih stvari u njemu vidi. Nu fakat jest i ostaje, da mase u velikom broju posećuju kina i za to nam ne može biti svejedno, da li su ta kina naša ili tuđinska poduzeća i da li su filmovi iz tuđin ili jugoslavenskih tvornica. Mislimo u Puli nema nijednog kina, čiji bi vlasnik bio naš čovek i da nikad ne dolaze u Pulu filmovi od slavenskih firma. A zar se ne bi mogao koji naš bogatiji čovek i u takovom poduzeću okušati. Segurno bi mu se isplatilo.

**Konzentracija jugoslavenskog kapitala u Bosni.** U Hercegovini bio je celi jugoslavenski narodni život razdijeljen u tri grupe — pravoslavnu, muslimansku i katoličku. Tako i u novčarstvu. Katolici imali su svoje „hrvatske“ banke, muslimani „muslimanske“ a pravoslavni „srpske“. Prema posljednjim vestima iz Bosne nameravaju naša 4 najjača srpska zavoda fuzionirati (sjediniti se). To su: Srpska Narodna Banka, Srpska Privredna Banka, Srpska Centralna Banka u Sarajevu i Srpska Narodna Banka u Mostaru. Dosadnji kapital tih banka, koji se računa na 20,000,000 kruna povisiće se na 25,000,000 K. Novo nastala banka iz dosadanih četiriju zove se „Srpska Banka sa sjedištem u Sarajevu“. Za generalnog guvernera izabran je gosp. Olgortje M. Jeftanović, koji je za vreme rata odležao kao 70-godišnji starac, godinu dana teške tamnice. Glavni direktor je Ilija Ivanišević iz Mostara, koji se smatra za najposobnijeg našeg financijera u Bosni. Banka se naročito namerava baciti na veća industrijska poduzeća. Bosna je bogata zemlja. Imade mnogo železa, bakra, srebra, ugljena, soli i mnogo neisećenih šuma. Nemci i Mađari, koji su dosada u Bosni vladali, nisu davali takova poduzeća Jugoslavenima, već su hteli korist iz našeg prirodnog bogatstva strpati u svoje džepove. Sad su im se pokvarili račun. Dolazi novo doba, dolazi Jugoslavija i mi ćemo imati dovoljno prilike, da iskoristimo sve, šta se u našoj zemlji nalazi. — Kako se iz gornje vesti vidi, deo se naših ljudi u Bosni već sprema da iskoristi budućnost.

**Pomanjkanje bankneta.** Poznato je, da je austro-ugarska banka izdala dosada 28 milijarda papirnatog novca, a ipak se oseća u prometu nestašica bankneta, osobito onih od 1000 kruna. Generalni tajnik austro-ug. banke tvrdi, da su nestašici krivi seljaci, koji da sada sakrivaju hiljadarke po škrinjama, kao što su već prije posakrivali kovani novac. Može stogod biti istine na tom, ali naši istarski seljaci nemaju segurno tih hiljadarka mnogo po škrinjama. Našlo bih se ih pak kod nemačkih i mađarskih seljaka, koji su se u vreme rata osobito zabogatili. U zadnje vreme izdaje banka sedmično za 500 milijuna papirnatoz novca. U državnoj štampariji štampaju se banknote u svečane i u radne dane od 8 sati ujutro neprestance do 11 sati u noći. Ne će ni to štampanje moći večne da traje.

**Prosveta.**

„Pučki list“. Izlazi u Splitu dvakrat mesečno. Godišnje zapada poštom kruna 12. Pisma i nove šalju se upravi „Pučkog lista“ u Splitu. Dobar pučki list nam je trebao i eto nam ga dolazi nam iz Splita grada, iz kraje Dalmacije posestrime naše. Pokreće ga njegov vlasnik urednik Juraj Kapić, onaj isti Kapić, koji je iz narodne duše uzeo i svetu dao „Rukovet ratnih i narodnih pesama“ gde u narodnim stihovima prikazuje jasno i otvoreno sva zla, stradanja i muke, što je morao da naš jadnan narod u ove užasne godine rata preturi. Zato i „Pučki list“ od srca pozdravljamo, jer već po prvom njegovom broju poznamo, da će biti dobar učitelj našem puku, našim seljačkim obiteljima diljem cele naše Istre, pa ga zato i oduševljeno i od srca preporučamo svim našim čitateljima. A nije „Pučki list“ ni nevaljija. Izlazi on bogme već 26. godinu, pa je samo usled teških ratnih prilika, kad se gušilo sve, što je bilo vredno i pošteno, bio prestao izlaziti. Već onaj prvi broj donosi lepe i zanimive članke Jurja Kapića: „Veseli se mili rede“, „Razgovor o Jugoslaviji“, „Mir“, „Za Slobodu“, od J. F. Lupisa, „Svaki narod ima pravo, da sam odredi o svojoj sudbini, Sloboda ne znači divljaštvo“, „Sto je nova po svetu“, „Položaj na ratištima“ i razne druge vesti i beleške. Osim toga sadržaje list više dirljivih i lepih pesama, pisanih za narod, kao: „Ratne grozote“, „Maćeha si a ne mati“, „Ratno doba“ od Jurja Kapića i „Moj pozdrav i moja poruka“ od Rikarda Katalinića Jerečeta, koja zavrljava: Složno braćo i Neka spomen bude, da dva brata nisu bile luđe.

„Pučkom listu“ želimo dobro uspevanje Istri, da bude što marljivije čita svej pučki list.

**Dobrovoljni doprinosi.**

Za našu srednju školu u Puli. Preko uprave našeg lista bili su položeni za našu srednju školu u Puli sledeći doprinosi: Ergo Buždan polaže K 10.—; u veselom društvu u gostioni Bastianića sabrano K 54.—. Od toga darovate po K 5.—: Bastianić Ivan, Lovrić Petar, Fabac Josip; po K 5.—: Pepa i Marija Bastianić. — Ukupno K 64.—. Darovateljima naša srdačna hvala!

U fond „Hrvatskog Lista“ položio je Ante Brgić, općinski župan u Manjim Dvorcima kod Barbana K 20.— uz poruku: „da list ide nepokolebivo dalje dosadašnjim putem, bez obzira i straha do konačnoga cilja“. — Ergo Buždon polaže K 10.—; u istu svrhu polaže K 10.— božman Krmpotić sa broda Nj. V. „Adrie“; Uzšpoklik: „došao je čas“ polaže gosp. Rafael Jurčić K 10.—. Rodoljubima blagodarimo!

**Mali oglasnik**

<b>Prodaje se</b> ravnopravno pekucstvo. Upravitelji u upravi.	<b>Dajem s zamenu</b> za 75 kg pšenice 100 kg kukuruza (turkinja). Oglasi se kod pekara Josipa Martića u Pazinu.
<b>U trgovini pekucstva, Pl. Barbošića.</b> * Štamparskoj ulici, prodaje se novo pripalo pekucstvo.	<b>Kupuje u svakoj količini zdravi i čist drop od groždja.</b> G. Curat, Trst, Vla, Sette Fontane I.

**Zahvala.**

Puna harnosti i zahvalnosti oseća potpisana svojom dužnošću, da javno iz srca blagodar celom okolišnom puku, koji je „otpratio“ na počinak nezaboravnog joj sina

**Antuna Rosanda pok. Josipa.**

Hvala i od Boga plata Antici Zukon, njegovoj majci, koja je pokojnika za njegove bolesti najskrbnije negovala, nastojala da mu ublaži boli i brinula se za nj.

Pula, 25. oktobra 1918.

Obitelj: Rosanda.

**Kreditno i eskomptno društvo**

**PULA, trg Cusloza 45**

prima u pohranu novac uz najviši mogućni kamatnjak, te isplaćuje uloške po dogovoru, bez obzira na ratno doba u svakoj visini.

Uređoval sati:

od 9—12 pre i od 3—4 i posle podne.